



Publicaziuns officialas dils 24-12-2020

Damondas da baghegiar

Nr. 139/2020

Datum da publicaziun: 24-12-2020

Patrun: Duff Marcus, 7176 Cumpadials

Liug e parcelas: Cumpadials-Laus; 2549, 2558, 2560, 6652

Object: midada d'intent da diever agricol tier buc diever agricol

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 24-12-2020

Cumissiun da baghegiar

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 129/2020

Siegenthaler Dieter Willi e Gabrielle Sibylle, 8545 Rickenbach; lavurs da manteniment vid via d'access tier baghetg nr. 728 sin parcella nr. 3910 a Sumvitg-Plaun da Crusch.

Nr. 133/2020

Schlöpfer Marco, 7176 Cumpadials; colurar da niev ils barcuns dil baghetg nr. 166 sin parcella nr. 2935 a Cumpadials-Cantun.

Nr. 134/2020

Degonda Daniel, 7176 Cumpadials; engrondir la porta dil baghetg nr. 108 sin parcella nr. 6235 a Cumpadials-Sontget.

Nr. 141/2020

Düggelin Vitus, 7173 Surrein; remplazzament d'ina finiastra e da dus eschs dil baghetg nr. 319C sin parcella nr. 4840 a Surrein-Giachentrina.

Sumvitg, 24-12-2020

Cumissiun da baghegiar

Referendum facultativ

La radunonza communal da dils 17 da december 2020 ha priu denter auter ils suandonts conclus:

- Tractaziun ed approbaziun dil project punt pendent «Crappa Grossa» e concessiun dil credit brut da 175 000 francs
- Tractaziun ed approbaziun dalla cumpra d'ina maschina nova per il menaschi tecnic e concessiun dil credit brut da 239 000 francs
- Tractaziun ed approbaziun dil relasch digl emprest da 150 000 francs alla Societad cooperativa da consum Surrein-Rabius

Sura conclus ei sutposts al referendum facultativ tenor art. 30 al. 2 dalla constituziun communal. Il termin da tschaffar il referendum terminescha cun datum dils 13-1-2021. Il referendum sa buca vegnir retratgs.

Sumvitg, 24-12-2020

Suprastonza communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 24-12-2020

Departament stradal

Salids ed auguris per las fiastas da Nadal e Daniev

La suprastonza communal giavischa a Vus, preziadas convischinas e preziai convischins, bialas e legrevlas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 24-12-2020

Suprastonza communal

Negin aperitiv da Daniev

Muort las restricziuns en connex cun il coronavirus vegn igl aperitiv da Daniev 2021 buca menaus atras. La suprastonza communal supplichescha per capientscha e giavischa gia uss ina buna ruschnada egl onn niev.

Sumvitg, 24-12-2020

Suprastonza communal

Corrigenda - Cattar biemaun

El «Fegl official» dils 18-12-2020 ha la suprastonza communal communicau ch'ei seigi lubiu da catter biemaun risguardond differentas restricziuns. Sin fundament da quella publicaziun ha il stab directiv cantunal reagiu e contactau la vischnaunca da Sumvitg.

Tenor il stab directiv cantunal eis ei buca lubiu da catter biemaun. Consequentamein ei la suprastonza communal obligada da scumandar il catter biemaun.

Nus deplorein quella comunicaziun en disfavour da nos affons, supplichein denton da suandar allas directivas cantunalas.

Sumvitg, 24-12-2020

Suprastonza communal

Preavis

Administraziun communal – communicaziun L'administraziun communal resta serrada sur las fiastas da Nadal e Daniev sco suonda:

– naven da mesjamna, ils 23-12-2020, allas 17.00, entochen gliendisdis, ils 28-12-2020, allas 8.00

– naven da mesjamna, ils 30-12-2020, allas 17.00, entochen gliendisdis, ils 4-1-2021, allas 8.00

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 24-12-2020

Administraziun communal

Ordinaziun da traffic

1. La suprastonza communal da Sumvitg ha l'intenziun d'introducir la suandonta restricziun da traffic sin il territori communal:
Scamond per vehichels a motor, motos e velos a motor (sig. 2.14) Tabla supplementara: agricultura ed economia forestala lubiu
– Liug/via: Via communal Plaunet–Aclas, tschancun plaz da semenar – baghetg nr. 753
2. Cun questa mesira duei vegnir evitau ch'ei vegn carrau nunnecessariamein sin la via communal ed aschia vegnir impediud accidents.
3. La restricziun da traffic planisada ei vegnida approbada ils 16 da december 2020 dalla polizia cantunala sebasond sigl art. 7 al. 2 LitLTV.
4. Objecziuns e posiziuns en connex cull'ordinaziun da traffic planisada san vegnir inoltradas enteifer 30 dis suenter la publicaziun alla suprastonza communal da Sumvitg. Suenter l'examinaziun dallas posiziuns inoltradas decida la suprastonza communal e publichescha il conclus en il «Fegl ufficial cantunal», ensemen cun ina indicaziun dils mieds legals, per recuorer alla Dertgira administrativa.

Sumvitg, 24-12-2020

Suprastonza communal

Uniuns da dunnas Rabius, Sumvitg/Cumpadials e Surrein

Duront igl onn ora han era las uniuns da dunnas muort Corona stuiu setener vid las prescripziuns dil stadi e schar curdar activitads ed occurrenz. Era las sontgas messas e devoziuns ein vegnidas strihadas la primavera. Il pass en baselgia ei buca pli il medem sco avon, cun mascrinas, sin distanza e negina aua benedida.

Ord quei motiv lein nus schenghegiar a vus sco pign present **ina butteglia aua benedida** che vegn benedida duront la messa da Buania. Silsuenter sesanflan las butteglias en las baselgias parochialas da **Rabius, Sumvitg, Cumpadials e Surrein**. Tut tgi che ha plascher, astga prender ina butteglia per casada.

Nus giavischein a vus tuts bialas fiastas da Nadal, in bien niev onn ed oravontut buna sanadad.

Quei giavischan a Vus da cor Las Uniuns da dunnas Rabius, Sumvitg/Cumpadials e Surrein